

Sier Alvixe da Canal fo capitano al Golfo, qu. sier Luca.

Sier Sebastian Contarini el cavalier fo podestà a Vicenza, qu. sier Sebastian.

Sier Marco Antonio Contarini fo capitano di le galie di Fiandra, qu. sier Alvise.

Sier Piero Valier fo podestà e capitano a Ruigo, qu. sier Antonio.

Sier Michiel Morexini fo savio a terra ferma, qu. sier Piero.

Sier Francesco Valier fo cao dil Consejo di X, qu. sier Hironimo.

Sier Marco Antonio da Canal fo conte e capitano a Spalato, qu. sier Francesco.

Sier Alexandro Foscari fo patron a l'arsenal, qu. sier Urban.

Sier Alexandro da cha' da Pexaro fo di la Zonta, qu. sier Nicolò.

Sier Francesco Contarini fo savio a terra ferma, qu. sier Zacaria el cavalier.

Sier Hironimo di Prioli fo proveditor sora le camere, qu. sier Ruberto.

Fu posto, per i Consieri, Cai di XL e Savii, che domino Vicenzo da Lonigo dottor avvocato, venuto quì per certa controversia, è stà tansato da li XX Savii; et perchè se ha hauto fede il suo domicilio è a Vicenza, però sia comesso a li ditti XX Savii debbi realdirlo e ministrarli raxon, et iustitia, *ut in parte*. Fu presa. 126, 43, 5.

Fu posto, per li ditti, che sier Zuan Francesco Loredan qu. sier Marco Antonio sia realdido per li XX Savii, et balotà do volte non fo presa. Ave:

Fu posto, per li Proveditori e Patroni a l'arsenal, havendo comprà con licentia di la Signoria questo anno feri da diversi mercanti per la caxa, daciadi, sia preso li Governadori incanti il dazio dil ferro, con quelle declaration che li ditti possi metter tanti feri senza datio. 155, 14. 4.

Sebastian Paxoto lire 29079.

Jacomo Baron lire 39001.

Batista di Lazaro, per il mercado vechio, lire 13000.

Batista di Lazaro mercado novo, lire 24500.

Maximo Colona, lire 20000.

*Copia di do lettere di sier Zuan Vitturi proveditor di l'armada, la prima data a Cataro, a dì 20 Zener 1524 (1525).* 374

Come le ultime sue fono sopra la Bocca de Cataro. Hor zonto che fu in questo loco per via de Ragusi, intese che domino Piero Zen dovea trasferirsi de quì, per garbuglio che havea fatto el sanzaco de Montenegro alla Porta, de li confini di questo loco Budua, Pastrovich et Antivari. Deliberai di expetarlo per dar favor a questi manizi, per rispeto che zà questo loco et territorio di Budua et Pastrovich era in fuga, per haver el ditto sanzaco facto divulgar, che l'havea ordine dil Gran Signor di metter li confini a le porte de questi lochi, de sorte che tutti erano in grandissima fuga. El ditto domino Piero Zen zonse de quì a dì primo de l'istante, con il qual era lo ambasador dil Turco che fu a Venetia, *cum* el qual si havea ad trovar *cum* el sanzaco sopraditto. Et subito zonto esso domino Piero fece intender al sanzaco che 'l volesse venir sopra i confini, secondo el comandamento dil Gran Signor *cum* i tre cadì. El qual sanzaco li rispose non poter venir fin zorni 10; et ditto Zen li fece instantia dovesse differir de, quì, et cussì fu molto contento, ancora che 'l desiderasse venir presto a Zara, sperando li trovar la sua licentia de repatriar. Et tutto quel paese era sotto sopra. Hor secondo l'ordine con il ditto sanzaco e *cum* dicto domino Piero, per più comodità andassemo al Scoglio *cum* galie 5. El sanzaco cavalcò alli 17, e cussì el Zen; i quali se incontrono ad un loco nominato la Trenità. El sanzaco havia adunato da 1000 pedoni christiani, et *etiam* di Scutari e Castelnuovo zerca 120 turchi a cavallo, et il Zen era *solum cum* 15 in 20 cavalli, 8 over 10 stafieri. El sanzaco li mostrò ne l'incontrarsi mala ciera, usando alcune parole superbe, digando voler metter li confini in quel loco che altra volta li messe Michalegli; et havendo dal canto nostro grandissima raxon el Zen li volse mostrar le scripture et disputer sopra il loco la causa; non lo volse ascoltar et se partite in rota. El ditto domino Piero mandò domino Triffon di Drago, ch'è nepote fiol de la sorella del sanzaco la nocte monstrando esser venuto da lui a parlarli in persuaderlo con molte rason et siando zentilhomo venitian, che'l voglia portarsi bene et assestar questa cosa di confini. El qual sanzaco li rispose che la Signoria faceva poco conto de lui, et che la non havea voluto far haver el suo ambasador che fu preso *cum* intelli-